



Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption Office

Broj: 20-04-58637-212/25 FŠ
Sarajevo, 06.04.2026. godine

SKUPŠTINA KANTONA SARAJEVO
Kabinet predsjedavajućeg i zamjenika predsjedavajućeg Skupštine Kantona Sarajevo
n/r Predsjedavajućeg Skupštine

PREDMET: Odgovor na zastupničko pitanje, dostavlja se,
Veza: Vaš akt broj: 01-04-58637-81/25 od 25.03.2026. godine

Ured za borbu protiv korupcije Kantona Sarajevo (u daljem tekstu: Ured) zaprimio je 26.03.2026. godine akt Skupštine Kantona Sarajevo, broj i datum navedeni u vezi predmeta, kojim je dostavljeno Zastupničko pitanje zastupnika u Skupštini Kantona Sarajevo Faruka Selmanovića.

U skladu sa Poslovníkom Skupštine Kantona Sarajevo, imenovani zastupnik uputio je Vladi Kantona Sarajevo, Ministarstvu finansija Kantona Sarajevo i Uredu sljedeća pitanja:

- 1. Koji su svi programi i projekti finansirani iz Budžeta Kantona Sarajevo u periodu od 01.01.2023. do 31.12.2025. godine po osnovu Uredbe o dodjeli transfera neprofitnim organizacijama i pojedincima, sa kompletnim spiskom korisnika (pravni lica i pojedinaca)?*
- 2. Koji je pravni osnov za dodjelu sredstava u svakom pojedinačnom slučaju, te koji su kriteriji korišteni za odabir korisnika i odobravanje sredstava?*
- 3. Koliki su pojedinačni iznosi dodijeljenih sredstava po programima i korisnicima, kao i ukupan iznos sredstava po godinama (2023, 2024 i 2025)?*
- 4. Koji su programi i projekti finansirani direktno putem Kabineta premijera Kantona Sarajevo, sa preciznim podacima o korisnicima, iznosima i osnovu dodjele sredstava?*
- 5. Na koji način se vrši kontrola namjenskog utroška dodijeljenih sredstava, te da li su vršene revizije i nadzor nad realizacijom ovih programa i sa kakvim rezultatima?*
- 6. Da li je Ured za borbu protiv korupcije Kantona Sarajevo vršio provjere zakonitosti i transparentnosti dodjele ovih sredstava, te da li postoje indikacije eventualnih nepravilnosti ili zloupotreba?*

U nastavku teksta je odgovor na navedena pitanja, sa aspekta Ureda, a koje se odnosi na dodjelu transfera neprofitnim organizacijama i pojedincima iz Budžeta Kantona Sarajevo za period od 01.01.2023. do 31.12.2025. godine:

U vezi s navedenim, obavještavamo Vas da je pravni osnov za uspostavljanje i vođenje Registra transfera neprofitnim organizacijama i pojedincima iz Budžeta Kantona Sarajevo (u daljem tekstu: Registar transfera) utvrđen Uredbom o dodjeli transfera neprofitnim organizacijama i

pojedincima iz Budžeta Kantona Sarajevo („Službene novine Kantona Sarajevo“, br. 22/21, 13/22, 21/24 i 10/25; u daljem tekstu: Uredba). Navedenom uredbom Ured je zadužen da uspostavi i vodi Registar transfera, koji je sastavni dio Informacionog sistema Ureda i javno je dostupan na web stranici www.anticorruptiks.com. Ured vodi Registar transfera na osnovu podataka koje neposredno unose ovlaštene osobe imenovane od strane rukovodilaca davaoca sredstava, pri čemu su za autentičnost i tačnost unesenih podataka odgovorne upravo te ovlaštene osobe. Pojam davaoci budžetskih sredstava, kako je definisan Uredbom, odnosi se na 16 institucija koje dodjeljuju sredstva iz Budžeta Kantona Sarajevo putem transfera neprofitnim organizacijama i pojedincima za finansiranje i sufinansiranje aktivnosti/programa/projekata.

Istovremeno, napominjemo da su, u skladu sa Uredbom, pitanja planiranja sredstava, donošenja programa utroška, utvrđivanja pravnog osnova i kriterija dodjele, provođenja postupka dodjele, zaključivanja ugovora, praćenja provođenja, evaluacije učinaka i postupanja u slučaju nepravilnosti u nadležnosti davaoca sredstava, dok nadzor nad utroškom budžetskih sredstava vrše davalac sredstava i Ministarstvo finansija Kantona Sarajevo, odnosno Budžetski inspektorat.

Shodno navedenom, Ured cijeni da odgovore na pitanja koja se odnose na planiranje sredstava, donošenje programa utroška, pravni osnov i kriterije dodjele, pojedinačne odluke o dodjeli sredstava, kao i kontrolu namjenskog utroška i rezultate eventualnih revizija i nadzora, prvenstveno trebaju dostaviti nadležni davaoci sredstava i Ministarstvo finansija Kantona Sarajevo, svako iz okvira svoje nadležnosti. Istovremeno, značajan dio podataka relevantnih za navedena pitanja već je javno dostupan putem Registra transfera.

Ured, u okviru svoje nadležnosti, upućuje na već uspostavljeni Registar transfera, koji je uspostavljen upravo radi osiguranja transparentnosti u dodjeli i utrošku budžetskih sredstava namijenjenih finansiranju i sufinansiranju aktivnosti, programa i projekata od javnog interesa. Ured je i ranije, kroz analitički pristup ovoj oblasti, odnosno na osnovu konkretnih analiza Ureda iz 2019. godine, kojima su identifikovani koruptivni rizici u dotadašnjem načinu trošenja javnih sredstava, ukazivao na potrebu jačanja transparentnosti transfera, što je i bilo jedan od razloga za normativno uređenje ove oblasti i uspostavu *online* registra.

Kada je riječ o pitanju da li je Ured vršio provjere zakonitosti i transparentnosti dodjele ovih sredstava, ističemo da Ured vodi Registar transfera i koristi podatke iz informacionog sistema u okviru svojih analitičkih i antikorupcijskih aktivnosti, dok formalni nadzor nad utroškom sredstava, u smislu navedene uredbe, nije u nadležnosti Ureda nego davaoca sredstava i Ministarstva finansija Kantona Sarajevo, odnosno Budžetskog inspektorata. Međutim, ukoliko se kroz analitičke aktivnosti Ureda i praćenje unesenih podataka utvrde osnovi sumnje na nepravilnosti ili zloupotrebe, Ured takva saznanja, zajedno sa pripadajućom dokumentacijom, u skladu sa svojim propisanim procedurama, bez odlaganja dostavlja nadležnim tužilaštvima i inspeksijskim organima na dalje postupanje u okviru njihove nadležnosti.

Putem navedenog *online* registra, u svakom trenutku su javno dostupni podaci koji omogućavaju neposredan uvid u značajan dio informacija relevantnih za postavljena pitanja, i to kako slijedi:

- Korisnici i programi: Registar transfera sadrži nazive svih primalaca (pravnih lica i pojedinaca), nazive programa/projekata, te godinu dodjele.
- Pravni osnov i način dodjele: Za svaki pojedinačni slučaj u Registru transfera naznačeni su način dodjele sredstava (sa ili bez javnog poziva), kao i relevantni akti na kojima se dodjela zasniva. Opći i posebni kriteriji za dodjelu sredstava utvrđuju se programom utroška i drugim aktima svakog pojedinačnog davaoca sredstava.
- Pojedinačni iznosi i zbirni podaci: Registar transfera omogućava uvid u pojedinačne iznose dodijeljenih sredstava po korisniku, programu i davaocu sredstava, dok integrisana

analitika omogućava pregled ukupnih izdvajanja po godinama, uključujući 2023, 2024. i 2025. godinu.

- Kabinet premijera: Kabinet premijera je jedan od obveznika primjene Uredbe. Svi podaci o transferima realizovanim putem Kabineta premijera su integrisani u Registar i mogu se izdvojiti jednostavnim filtriranjem podataka prema davaocu sredstava.

Na kraju, napominjemo da je Ured, u okviru redovnih aktivnosti na provođenju svojih nadležnosti u skladu sa Uredbom, izvršio dodatno obraćanje svim davaocima sredstava radi provjere i potvrde ažurnosti, blagovremenosti i autentičnosti podataka unesenih u Registar transfera, te očekuje očitovanja navedenih institucija po ovom pitanju.

S poštovanjem,



Dostaviti:

1. Naslovu,
2. Ministarstvo finansija Kantona Sarajevo,
3. Stručna služba Vlade Kantona Sarajevo,
4. a/a.